

Ишсиз ёшлар ва хотин-қизлар бандлиги таъминланмоқда

Элликқалъа тумани секторлар кесимида аҳоли мурожаатларини ўрганиш ва ижобий ҳал қилиш, ишсиз ёшлар ва хотин-қизлар бандлигини таъминлаш масаласига алоҳида аҳамият қаратилмоқда. Уларни талаб юқори бўлган касблар ва тадбиркорликка ўқитиш, шу асосда бизнесини йўлга қўйишда молиявий қўллаб-қувватлаш буйича туман ҳоқими С. Авезов бошчилигида тизимли ишлар олиб борилмоқда. Бу ишларни амалга ошириш мақсадида, мамлакатимизда жорий этилган «темир дафтар»лар сингари, ишсиз ёшлар буйича алоҳида («Ёшлар дафтари»), ишсиз ва боқувчисиз хотин-қизлар буйича алоҳида («Аёллар дафтари») рўйхатлар шакллантириб, ҳар бири билан янги тизим, янги тартибда манзилли ишлар амалга оширилмоқда.

Image not found or type unknown



13-октябрь куни 1-сектор худуди “Навбахор” маҳалла фуқаролар йиғини худудидаги ўрганишлар жараёнида туман ҳоқими 1-сектор раҳбари С. Авезов томонидан ёшлар “темир дафтар” ига киритилган Т. Балтабаевни 7-сонли умумтаълим мактабига, “Жасорат” маҳалла фуқаролар йиғини худудида истиқомат қилувчи Н. Тўхтабаевани 11-сонли умумтаълим мактабига, хотин-қизлар “темир дафтар” ига киритилган Р. Туребаевани “ҚҚ Агроимпекс” маъсулияти чекланган жамиятига ишга жойлаштирилди.

Image not found or type unknown



Ёшлар ва Хотин-қизларни ҳаётга мотивациялаш ва касбга ўргатиш буйича ўқув курсларида тумандаги ишсиз ёшлар ва хотин-қизлар қисқа муддатли касб-ҳунарга ўқитилиб, қайта тайёрланмоқда. Ишлаш истагида бўлган уй бекалари, шу жумладан, қўлида ҳунари бўлган ёшлар ва хотин-қизларни ўзини ўзи банд қилиш орқали бандлигини таъминлаш буйича аниқ чоралар кўриляётир.

Image not found or type unknown

Амалга оширилган бу ишлар ва режалаштирилаётган лойиҳалар – биз учун сўнги манзил эмас ва бу билан биз тўхтаб қолмоқчи ҳам эмасмиз. Ишга лаёқатли бўлган, аммо вақтинча ишсиз бўлган ёшлар ва аёлларимизнинг бандлигини тўлиқ таъминласак, юрагида меҳри, кўзида ўти бор Эллиққалъа ёшлари ва аёлларининг нималарга қодир эканлигига ўшанда ўзингиз гувоҳ бўласиз.

Эллиққалъа тумани ҳокимлиги ахборот хизмати.